



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICA,
CARDINALITIIS DISPUTATIONIBUS,
*mandè disentienda in Scholis Medicorum, die Martis decimi-octavæ mensis Februarii,
anno Domini MDCC. LXXVII.*

M. JOANNE-JACOBO BELLETESTE,
Antiquo Facultatis Decano, Doctore Medico, Præfide,

An à pertinaci labore mors?

I.



ITA, qualecumque functionum saltem vitalium exercitium est, aut etiam earum exercendi potestas; consistit in agendi vi & sentiendi facultate. *Sanitas* est liberum, facile, alacre, constans & tempestivum omnium functionum exercitium; consistit in perfecta plenâque agendi ac sentiendi libertate. *Mors* denique omnium est non solum functionum sed & Facultatum cessatio. Nullum est diviniæ scientiæ potentiæque nobilius argumentum quàm quod erui potest ex humani corporis constitutione, Quot enim in ipso numerantur functiones, tot promittuntur

miracula. Licet etiam unumquodque organum vitæ donari propriâ videatur, omnia tamen mutuâ inter se connexionem conjunguntur, undè necessitudo reciproca & partium cunctarum sympathia generalis. Ex perfectio libero & alacri omnium functionum exercitio quot bona! Sensus eximius, actio prompta, digestio facillima, *ῥαυσι* perfecta, liber circuitus, facile fecernendis iter, secretionum excretionumque ordo naturalis, crasis optima, modicus calor, debita corporis agilitas, virium reparatio, certior fecunditas, athletica progenies, benè parata longævitæ. Sed Eheu! corpus nostrum cuius mox elegantem demirabamur fabricam, quàm innumeris jacet obnoxium periculis! Morte undique cingimur. Ipse sanitatis tuendæ causâ à naturâ nobis impetratæ vires quàm sæpè funestas frages elidère, quàm hostiles sæpè vitæ ipsi turbas intulerunt? Hæc demùm labore ipso, cuius modico usu debuissent invalescere, non rarò subvertuntur. De laboris tamen utilitate consensus omnium unanimis. *Qui comedit*, ait divus Senex (1), *sanus esse non potest nisi laboret*. Labore enim exundans humorum copia consumitur, à fordibus liberatur corpus, auctâ deinde liberâ & æquabili sanguinis omniumque humorum circulatione, tenuissimorum tubulorum alveoli aperti fervantur; labor humores attenuat, addeulas, concoquit; & solidorum robur instaurat. Sed modus sit in rebus: nimium enim omne malum est, laborque naturæ vires exuperans has tandem obruit; usquequò igitur illi indulgendum est? Id spero, dirimet inter utiles modici, noxiosque immodici laboris effectus ritè instituta comparatio.

I I.

OMNE humanum genus æqua sollicitat agendi necessitas. Felix si suas sibi quisque partes ritè feligeret; si sua quemque juvaret conditio; si moderatè omnibus, etiâ labore sciret uti. Laboris genus duplex: alius quippè membrâ exercet, mechanicus labor seu *labor* propriè dictus; alius verò qui detinet animos, *studium* audit. Idem verò labores inter, aliis multum, aliis modicè corpus movetur, in aliis moles agit tota, in aliis agunt tantum quædam ejus partes, demùm sunt alii qui utrumque hominis principium æquo jure efficiunt. Labor quicumque fuerit omnis in motu situs est. Porro pars quæ magis movetur multò magis increfcit, ampliatur, roboratur, crassiores insunt musculi, vasa latiora, pulsus firmior: principio labuntur facilè ejus vires, promptaque succedit hujus lassatio, usu autem sæpè repetito diuturniori peragendæ operæ magis fit idonea. unt tamen sui hujusce laboris limites: supervenit usque hæc lassatio, citius quidem in debiliore, in robustiori seriùs. Undè necessariò revocanda quies, quam dum laboris tedium infundit natura ipsa nobis videtur suadere.

Quod in partibus variis illud etiam in toto similiter obtinet, nisi quod motu juxta partes universas æquè distributo suam quæque symbolum afferant, universæ concurrant vires; hinc ab æquo labore major utilitas & generalior, minus prompta defatigatio, hinc eadem major quando ipsa perferuntur quietis capefendæ necessitas. Labore universi corporis roborantur fibræ omnes, omnium augetur tonus, activitas visque hæc *vitalis immutans* quâ fluidæ partes velociùs impelluntur, atque à vehementi nisu vehementiores renixus subeunt, magis attenuantur, elaborantur, fecernenda fecernuntur, excernuntur impura; hinc revedis intus humoribus crasis optima, sua functionibus servata libertas, sanitas egregia, firma & longæva constitutio.

Plus san'tati nocent quàm proficiunt ut studia, sic & labores *sedentarii* dicti,

(1) Hippoc. L. Epidem. 6.

quibus, immoto corpore, diu versus idem objectum mentis attentio dirigitur. Jueant animum, fateor, diversa in scientiis ingenii tentamina, suæ sunt etiam musarum illecebræ, nihilominus actionum normam disturbant studia. Desident enim tunc musculi, pronoque corpore premuntur & pectoris & abdominis viscera, difficilis respiratio vix pulmones explicat, torpent secretionum organa, inde quidem pressa, inde verò lentis, spissis, stagnantibusque vis patentia humoribus, lenta digestio, pulsus debilis, nulla perspiratio; excrucienda retinentur, pallor & maci corpus deturpant, imo & viæ præfides feriantur sensus; hinc pro tempore studiendi tedium, difficultique intellectus, hinc utique corporei exercitii necessaria vicissitudo, quo sine am pertinacius sit studium; unde à diuturniori labore, nullæ clades, mox in decursu referendæ.

III.

EX nimia quiete & labore nimio tanquam è duplici fonte dimanare videtur omne genus morborum. Semper plebitur qui pertinaci labori indulget. Nec mirum. Motu enim repetito concussæ solidorum partes; nervos fatigant, dissipantque vires; actus ingenti pressione sanguis atteritur, tenuatur, incalcescit, exsiccat: tunc vel in partes adactus violentius, hæret per extremos canales, discedit, stimulat, irritat, phlegmonas concitat, vel intra vasa coercitus cephalalgias, pulsationes, febres synochas provocat, & inflammatorium genus omne. Sic partes perpetuo torrentur æstu. Indè peripneumonix, pleuritides, phrenitis, agmen triste, ferox, sævæ mortis prænuncium. Nec minor malorum caterva lites ratos invadit, eò magis immedicabilis quòd lentius admissa profundiores agat in corpora radices, & ab ipsâ naturæ debilitate originem sumat & pertinaciam: immoto scilicet atque inertî corpore, fibræ laxantur & fatiscunt, deficient solidis & stimulus & actio, languet fluidorum motus lentoque circuitu nullus calor, nulla assinitatio, prava nutritio, pravæ secretiones, deficientibus succis, arctato ventriculo, pressis inæqualiter intestinis mala digestio, chylosis mala, pejor hæmatosis, inde pallidus oberrans per laxa vasa sanguis brevi corrumpitur & postea tanquam morâ camarinâ tetro vapore corpus inficit. Indè diarrhææ, dysenterixque, & ex primarum viarum cœno emergens putridarum febrium agmen, quandoque humoribus imprimitur lenta scorbuti labes, inde infarctis visceribus cachexia, leucophlegmatia, hydrops, atrophia, paralysis adventantis mortis dura rudimenta.

IV.

NEQVE hæc vana sunt inanis Theoriæ ludibria. Quam enim inconsulti vivunt & miseri homines qui nunquam intra justos limites continentur! Quot ærumnas quot & quanta proprio errore patiuntur incommoda? Laborem diutius protrahentes aut viribus impar sibi imponentes onus, ineluctabilis fati accelerant gradum. Conspiciant oculi in viatorem, qui per dies integros urente sole longius pedibus absolvit iter, tardos vix artus explicat, anhelantem ducit spiritum, ore vix spuit aridus, nec cibos appetit, somnum advocat sed incassum, blanda recreans somnus denegat otia, fervet sanguis intra venas, urget incommoda totius corporis agitatio, diuturnâ febris ingruit, nî brevi exhaustis viribus miser occumbat. Hinc respice miserum durumque genus agricolas, aliosve diversis addictos laboribus, vel quos pauperies urget, vel auri sacra fames, qui quidem improbos non reformidant labores, vix illis somnum viresque sumere est animus, demum exhausto corpore miserè pereunt. Illinc conspicitur miles qui gravis armis longum ac difficile calcat iter sub ardente cœlo, nunc fame intolerabili ardentique sibi devoratus in hostes præceps irruit, mox imbre madidus persua-

tusque aquilonibus noctes sub dio ducit infomnes febrique inflammatoriâ correptus brevi tollitur. Non minorem timendi locum afferre alterum laboris genus quis ignorat? Exitii illius fatalis exempla quotidie occurrunt, iis medicorum scripta referta sunt. » Quidam, inquit *Fernelius*, (1) dum litteris & chartis sedulo » invigilaret repente catalepsi percussus, ita quidem obrigit ut sedens, cala- » mumque digitis tenens, oculis in libros defixis putaretur in eorum studia in- » cumbere, donec vocatus impulsusque deprehensus est omni sensu motuque » carere.

(2) » In litteratis sedentariam vitam degentibus, dum libris impallescent, fre- » quenter à tali causâ oritur apoplexia, sed lentè & per gradus increfcere solet » morbus. Primò enim oritur languor & amor quietis ac otii; dein incipit inge- » nium hebecere, memoria vacillare; somnolenti fiunt, stupidi, & scèpe diù in » hoc statu manent antequam moriantur. Vidi, inquit *autor celebris*, non sinè » magnâ commiseratione eruditissimos viros & de re litterariâ quàm optimè me- » ritos sibi ipsis quasi supervixisse per annum & ultrà omnium rerum immemor- » res, tandèmque apoplecticos periisse.

Nonne hic memorandi locus fatum exitiale bacca'auri, quem paucis abhinc annis mors cæca rapuit athletam doctrinâ, sagacitate, facundiâ tam insignem, futurum Medicinæ Parisiensis Scholæ decus, sed præmaturè ereptum, dum benè meritas lauros mox collegerat.

V.

EXCLAMABIT profectò pallida litteratorum cohors: jam actum est de scientiis, ubi mortem excolenti parant. Sed bona verba quæso, non nocet labor nisi immodicus, nisi qui diuturnis animum fatigat & exhaurit curis; qui corpus anxietate longâ gravat, frænâ liberiores sanguinis motum, qui demùm impuriorem saburram ex longo colligit. Instant: labor animi mentem blandè afficit, quamdam toti corpori voluptatem inspirat, imò humorum juvat circulationem. Verum eundem, sed nimiam absorbit copiam spirituum, qui ad eadem loca semper vergentes secretionibus & functionibus aliis exercendis jam non prospiciunt. Verùm tamèn quoad corporis laborem pergunt adhuc, ex vestrà assertionè actum erit de totâ medicinâ: si quidè omnia corporis exercitia, quæ totidè labores dici possunt, commendantur ab omnibus medicis v. g. equitatio, vectio in rhedâ, saltatio, deambulatio, &c. Optimè quidè commendantur non immoderatè ad defatigationem debilitatemque, sed moderatè ad excitandam perspirationem, ad humores naturâ suâ inspissatos leni motu attenuandos, ad faciliorem denique humorum miscelam & circuitum. Itaque qui labori interrupto neque viribus impari incumbit, hic omnia sanitatis optimæ præ se fert phænomena, qui verò assiduo pertinacique membra corpusque exercet labore, illius languet corpus, humores per vasa lentius vecti fibrâ debilioribus adhærent & putrescunt: undè jurè ac meritò concludimus,

Ergò à pertinaci labore mors.

(1) *Pathol. L. 5. C. 2. Opera Omn. p. 406.*

(2) *Van Swieten T. 3. p. 263.*

Proponebat Parisiis JOANNES-BAPTISTA-JOSEPHUS THÉRY, Atrebatensis, Saluberrimæ Facultatis Medicinæ Parisiensis Baccalaureus, Theses Autor.
A. R. S. H. 1777, à sextâ ad meridiem.

Typis QUILLAV, Universitatis & Facultatis Medicinæ Typographi, 1777.